

śrīḥ
śrīmatē rāmānujāya namaḥ
śrīmatē nigamāntamahādēśikāya namaḥ

gōsvāmī śrī tulasīdāsa jī dvārā racita
॥ śrī hanumānabāhuka ॥

This document has been prepared by
Sunder Kidāmbi
with the blessings of
śrī raṅgarāmānuja mahādēśikan
His Holiness śrīmad āṇḍavan śrīraṅgam

śrīḥ

śrīmatē rāmānujāya namaḥ

śrīmatē nigamāntamahādēśikāya namaḥ

॥ śrī hanumānabāhuka ॥

chappaya

sindhu-tarana, siya-sōca-harana, rabi-bālabarana-tanu |

bhuja bisāla, mūrati karāla kālahukō kāla janu ||

gahana-dahana-niradahana-laṅka niḥsaṅka, baṅka-bhuva |

jātudhāna-balavāna-māna-mada-davana pavanasuva ||

kaha tulasidāsa sēvata sulabha,

sēvaka hita santata nikaṭa |

gunaganata, namata, sumirata, japata,

samana sakala-saṅkaṭa-bikaṭa || 1 ||

svarna-saila-saṅkāsa kōṭi-rabi-taruna-tēja-ghana |

ura bisāla, bhujadaṇḍa caṇḍa nakha bajra bajratana ||

piṅga nayana, bhṛkuṭi karāla rasanā dasanānana |

kapisa kēsa, karakasa lāgūra, khala-dala bala bhānana ||

kaha tulasidāsa basa jāsu ura

mārutasuta mūrati bikaṭa |

santāpa pāpa tēhi puruṣa pahī

sapanēhū nahī āvata nikaṭa || 2 ||

jhūlanā

pañcamukha-chamukha-bhṛgumukhya bhaṭa-asura-sura,

sarva-sari-samara samarattha sūrō |

bākurō bīra birudaita birudāvalī,
bēda bandī badata paijapūrō ||
jāsu gunagātha raghunātha kaha, jāsu bala,
bipula-jala-bharita jaga-jaladhi jhūrō |
duvana-dala-damanakō kauna tulasīsa hai
pavanakō pūta rajapūta rūrō || 3 ||

ghanākṣarī

bhānusōṅ paḍhana hanumāna gayē bhānu mana -
anumāni sisukēli kiyō phēraphāra sō |
pāchilē pagani gama gagana magana-mana,
kramakō na bhrama, kapi bālaka-bihāra sō ||
kautuka bilōki lōkapāla hari hara bidhi,
lōcanani cakācaūdhī cittani khabhāra sō |
bala kaidhaū bīrarasa, dhīraja kai, sāhasa kai,
tulasī sarīra dharē sabanikō sāra sō || 4 ||

bhāratamēṅ pārathakē rathakēthu kapirāja,
gājyō suni kururāja dala halabala bhō |
kahyō drōna bhīṣama samīrasuta mahābīra,
bīra-rasa-bāri-nidhi jākō bala jala bhō ||
bānara subhāya bālakēli bhūmi bhānu lāgi,
phalāga phalāgahūṭēṅ ghāṭi nabhatala bhō |
nāi-nāi mātha jōri-jōri hātha jōdhā jōhai,
hanumāna dēkhē jagajīvanakō phala bhō || 5 ||

gōpada payōdhi kari hōlikā jyō lāi laṅka,
nipaṭa nisaṅka parapura galabala bhō |
drōna-sō pahāra liyō khyāla hī ukhāri kara,
kanduka-jyō kapikhēla bēla kaisō phala bhō ||
saṅkaṭasamāja asamañjasa bhō rāmarāja,
kāja juga-pūganikō karatala pala bhō |
sāhasī samattha tulasīkō nāha jākī bāha,
lōkapāla pālanakō phira thira thala bhō || 6 ||

kamaṭhakī pīṭhi jākē gōḍanikī gāḍai mānō
nāpakē bhājana bhari jalanidhi-jala bhō |
jātudhāna-dāvana parāvanakō durga bhayō,
mahāmīnabāsa timi tōmanikō thala bhō ||
kumbhakarna-rāvana-payōdanāda-īndhanakō
tulasī pratāpa jākō prabala anala bhō |
bhīṣama kahata mērē anumāna hanumāna -
sārikhō trikāla na trilōka mahābala bhō || 7 ||

dūta rāmarāyakō, sapūta pūta paunakō, tū
añjanīkō nandana pratāpa bhūri bhānu sō |
sīya-sōca-samana, durita-dōṣa-damana,
sarana āyē avana, lakhanapriya prāna sō ||
dasamukha dusaha daridra daribēkō bhayō,
prakāṭa tilōka ōka tulasī nidhāna sō |
jñāna-gunavāna balavāna sēvā sāvadhāna,
sāhēba sujāna ura ānu hanumāna sō || 8 ||

davana-duvana-dala bhuvana-bidita bala,
bēda jasa gāvata bibudha bandīchōra kō |
pāpa-tāpa-timira tuhina-vighaṭana-paṭu,
sēvaka-sarōruha sukhada bhānu bhōrakō ||
lōka-paralōkatē bisōka sapanē na sōka,
tulasīkē hiyē hai bharōsō ēka ōrakō |
rāmakō dulārō dāsa bāmadēvakō nivāsa,
nāma kali-kāmataru kēsarī-kisōrakō || 9 ||

mahābala-sīma, mahābhīma, mahābānaita,
mahābīra bidita barāyō raghubīrakō |
kulisa-kathōratanu jōraparai rōra rana,
karunā-kalita mana dhāramika dhīrakō ||
durjanakō kālasō karāla pāla sajjanakō,
sumirē haranahāra tulasīkī pīrakō |
sīya-sukhadāyaka dulārō raghunāyakakō,
sēvaka sahāyaka hai sāhasī samīrakō || 10 ||

racibēkō bidhi jaisē, pālibēkō hari, hara
mīca mārībēkō, jyāibēkō sudhāpāna bhō |
dharībēkō dharani, tarani tama dalībēkō,
sōkhibē kṛsānu, pōṣībēkō hima-bhānu bhō ||
khala-dukha-dōṣībēkō, jana-paritōṣībēkō,
māḡibō malīnatākō mōdaka sudāna bhō ||
āratakī ārati nivāribēkō tihū pura,
tulasīkō sāhēba haṭhīlō hanumāna bhō || 11 ||

sēvaka syōkāi jāni jānakīsa mānai kāni,
sānukūla sūlapāni navai nātha nākakō |
dēvī dēva dānava dayāvanē hvai jōrai hātha,
bāpurē barāka kahā aura rājā rākakō ||
jāgata sōvata baiṭhē bāgata binōda mōda,
tākai jō anartha sō samartha ēka ākakō |
saba dina rūrō parai pūrō jahā-tahā tāhi,
jākē hai bharōsō hiyē hanumāna hākakō || 12 ||

sānuga sagauri sānukūla sūlapāni tāhi,
lōkapāla sakala lakhana rāma jānakī |
lōka paralōkakō bisōka sō tilōka tāhi,
tulasī tamāi kahā kāhū bīra ānakī ||
kēsarikisōra bandīchōrakē nēvājē saba,
kīrati bimala kapi karunānidhānakī |
bālaka-jyō pālihai kṛpālu muni siddha tākō,
jākē hiyē hulasati hāka hanumānakī || 13 ||

karunā nidhāna, balabuddhikē nidhāna mōda -
mahimānidhāna, guna-jñānakē nidhāna hau |
bāmadēva-rupa, bhūpa rāmakē sanēhī, nāma
lēta-dēta artha dharma kāma nirabāna hau ||
āpanē prabhāva, sītānāthakē subhāva sīla,
lōka-bēda-bidhikē biduṣa hanumāna hau |
manakī, bacanakī, karamakī tihū prakāra,
tulasī tihārō tuma sāhēba sujāna hau || 14 ||

manakō agama, tana sugama kiyē kapīsa,
kāja mahārājakē samāja sāja sājē haĩ |
dēva-bandīchōra ranarōra kēsarikisōra,
juga-juga jaga tērē birada birājē haĩ ||
bīra barajōra, ghaṭi jōra tulasīkī ōra,
suni sakucānē sādhu, khalagana gājē haĩ |
bigarī sāvāra añjanīkumāra kijē mōhĩ,
jaisē hōta āyē hanumānakē nivājē haĩ || 15 ||

savaiyā

jānasirōmani hau hanumāna sadā
janakē mana bāsa tihārō |
dhārō bigārō maĩ kākō kahā
kēhi kārana khījhata haũ tō tihārō ||
sāhēba sēvaka nātē tē hātō kiyō
sō tahā tulasīkō na cārō |
dōṣa sunāyē tē āgēhūkō hōśiyāra
hvai hō mana tau hiya hārō || 16 ||

tērē thapē uthapai na mahēsa,
thapai thirakō kapi jē ghara ghālē |
tērē nivājē garībanivāja,
birājata bairinakē ura sālē ||
saṅkaṭa sōca sabai tulasī,
liyē nāma phaṭai makarīkē-sē jālē |
būḍha bhayē, bali, mērihi bāra,
ki hāri parē bahutai nata pālē || 17 ||

sindhu tarē, baḍē bīra dalē khala,
jārē haḥ laṅkasē baṅka mavā sē |
taḥ rana-kēhari kēharikē bidalē,
ari-kuñjara chaila chavā sē ||
tōṣō samattha susāhēba sēi,
sahai tulasī dukha dōṣa davāsē |
bānara bāja baḍhē khala-khēcara,
lījata kyō na lapēṭi lavā-sē || 18 ||

accha-bimardana kānana-bhāni,
dasānana ānana bhā na nihārō |
bāridanāda akampāna kumbhakaranna,
sē kuñjara kēhari-bārō ||
rāma-pratāpa-hutāsana, kaccha,
bipaccha, samīra samīradulārō |
pāpatē, sāpatē, tāpa tihūtē,
sadā tulasī kahā sō rakhavārō || 19 ||

ghanākṣarī

jānata jahāna hanumānakō nivājyau jana,
mana anumāni, bali, bōla na bisāriyē |
sēvā-jōga tulasī kabahū kahā cūka parī,
sāhēba subhāva kapi sāhibī sābhāriyē ||
aparādhī jāni kījai sāsati sahasa bhāti,
mōdaka marai jō, tāhi māhura na māriyē |
sāhasī samīrakē dulārē raghubīrajūkē,
bāha pīra mahābīra bēgi hī nivāriyē || 20 ||

bālaka bilōki, bali, bārētē āpanō kiyō,
dīnabandhu dayā kīnhī nirupādhi nyāriyē |
rāvarō bharōsō tulasīkē, rāvarōi bala,
āsa rāvarīyai, dāsa rāvarō bicāriyē ||
baḍō bikarāla kali, kākō na bihāla kiyō,
māthē pagu balīkō, nihāri sō nivāriyē |
kēsarikisōra, ranarōra, barajōra bīra,
bāhupīra rāhumātu jyaū pachāri māriyē || 21 ||

uthapē thapanathira thapē uthapanahāra,
kēsarikumāra bala āpanō sābhāriyē |
rāmakē gulāmanikō kāmataru rāmadūta,
mōsē dīna dūbarēkō takiyā tihāriyē ||
sāhēba samartha tōsō tulasīkē māthē para,
sōu aparādha binu bīra, bādhi māriyē |
pōkharī bisāla bāhu, bali, bāricara pīra,
makarī jyaū pakarikai badana bidāriyē || 22 ||

rāmakō sanēha, rāma sāhasa lakhana siya,
rāmakī bhagati, sōca saṅkaṭa nivāriyē |
muda-marakāṭa rōga-bārinidhi hēri hārē,
jīva-jāmavantakō bharōsō tērō bhāriyē ||
kūdiyē kṛpāla tulasī suprēma-pabbayatē,
suthala subēla bhālu baiṭhikai bicāriyē |
mahābīra bākūrē barākī bāhapīra kyō na,
laṅkinī jyō lātaghāta hī marōri māriyē || 23 ||

lōka-paralōkahū̃ tilōka na bilōkiyata,
tōsē samaratha caṣa cārihū̃ nihāriyē |
karma, kāla, lōkapāla, aga-jaga jīvajāla,
nātha hātha saba nija mahimā bicāriyē ||
khāsa dāsa rāvarō, nivāsa tērō tāsu ura,
tulasī sō dēva dukhī dēkhiyata bhāriyē |
bāta tarumūla bāhusūla kapikacchu-bēli,
upajī sakēli kapikēli hī ukhāriyē || 24 ||

karama-karāla-kaṁsa bhūmipālakē bharōsē,
bakī bakabhaginī kāhūtē̃ kahā ḍaraigī |
baḍī bikarāla bālaghātinī na jāta kahi,
bāhubala bālaka chabīlē chōṭē charaigī ||
āi hai banāi bēṣa āpa hī bicāri dēkha,
pāpa jāya sabakō gunikē pālē paraigī |
pūtanā pisācinī jyaū̃ kapikānha tulasīkī,
bāhapīra mahābīra, tērē mārē maraigī || 25 ||

bhālakī ki kālakī ki rōṣakī tridōṣakī hai,
bēdana biṣama pāpa-tāpa chalachāhakī |
karamana kūṭakī ki jantramantra būṭakī,
parāhi jāhi pāpinī malīna manamāhakī ||
paihahi sajāya nata kahata bajāya tōhi,
bāvarī na hōhi bāni jāni kapināhakī |
āna hanumānakī dōhāi balavānakī,
sapatha mahābīrakī jō rahai pīra bāhakī || 26 ||

siṃhikā s̄hāri bala, surasā sudhāri chala,
laṅkinī pachāri māri bāṭikā ujāri hai |
laṅka parajāri makarī bidāri bārabāra,
jātudhāna dhāri dhūridhānī kari ḍārī hai ||
tōri jamakātari madōdarī kaḍhōri ānī,
rāvanakī rānī mēghanāda mahātārī hai |
bhīra bhāhapīrakī nipaṭa rākhī mahābīra,
kaunakē sakōca tulasīkē sōca bhārī hai || 27 ||

tērō bālakēli bīra suni sahamata dhīra,
bhūlata sarīrasudhi sakra-rabi-rāhukī |
tērī bhāha basata bisōka lōkapāla saba,
tērō nāma lēta rahai ārati na kāhukī ||
sāma dāna bhēda bidhi bēdahū labēda sidhi,
hātha kapināthahīkē cōṭī cōra sāhukī |
ālasa anakha parihāsakai sikhāvana hai,
ētē dina rahī pīra tulasīkē bāhukī || 28 ||

ṭūkanikō ghara-ghara ḍōlata k̄gāla bōli,
bāla jyō̄ kṛpāla natapāla pāli pōsō hai |
kīnhī hai s̄bhāra sāra añjanīkumāra bīra,
āpanō bisārihaī na mērēhū bharōsō hai ||
itanō parēkhō saba bhāti samaratha āju,
kapirāja s̄cī kahaū kō tilōka tōsō hai |
sāsati sahata dāsa kijē pēkhi parihāsa,
cīrīkō marana khēla bālakanikō sō hai || 29 ||

āpanē hī pāpatē tritāpatē ki sāpatē,
baḍhī hai bāhabēdana kahī na sahi jāti hai |
auṣadha anēka jantra-mantra-ṭōṭakādi kiyē,
bādi bhayē dēvatā manāyē adhikāti hai ||
karatāra, bharatāra, haratāra, karma, kāla,
kō hai jagajāla jō na mānata itāti hai |
cērō tērō tulasī tū mērō kahyō rāmadūta,
dhīla tērī bīra mōhi pīratē pīrāti hai || 30 ||

dūta rāmarāyakō, sapūta pūta bāyakō,
samattha hātha pāyakō sahāya asahāyakō |
bāki biradāvalī bidita bēda gāiyata,
rāvana sō bhaṭa bhayō muṭhikākē ghāyakō ||
ētē baḍē sāhēba samarthakō nivājō āja,
sīdata susēvaka bacana mana kāyakō |
thōrī bāhapīrakī baḍī galāni tulasīkō,
kauna pāpa kōpa, lōpa pragāṭa prabhāyakō || 31 ||

dēvī dēva danuja manuja muni siddha nāga,
chōṭē baḍē jīva jētē cētana acēta haī |
pūtanā pisācī jātudhānī jātudhāna bāma,
rāmadūtakī rajāi māthē māni lēta haī ||
ghōra jantra mantra kūṭa kapāṭa kurōga jōga,
hanūmāna āna suni chāḍata nikēta haī |
krōdha kijē karmakō prabōdha kijē tulasīkō,
sōdha kijē tinakō jō dōṣa dukha dēta haī || 32 ||

tērē bala bānara jitāyē rana rāvanasō,
tērē ghālē jātudhāna bhayē ghara-gharakē |
tērē bala rāmarāja kiyē saba surakāja,
sakala samāja sāja sājē raghubarakē ||
tērō gunagāna suni gīrabāna pulakata,
sajala bilōcana birañci hari harakē |
tulasīkē māthēpara hātha phērō kīsanātha,
dēkhiyē na dāsa dukhī tōsē kanigarakē || 33 ||

pālō tērē tūkakō parēhū cūka mūkiyē na,
kūra kauḍī dūkō haṁ āpanī ōra hēriyē |
bhōrānātha bhōrēhī sarōṣa hōta thōrē dōṣa,
pōṣi tōṣi thāpi āpanō na avadēriyē ||
ambu tū haṁ ambucara, amba tū haṁ ḍimbha, sō na,
būjhiyē bilamba avalamba mērē tēriyē |
bālaka bikala jāni pāhi prēma pahicāni,
tulasīkī bāha para lāmīlūma phēriyē || 34 ||

ghēri liyō rōgani kujōgani kulōgani jyaṁ,
bāsara jalada ghana ghaṭā dhuki dhāi hai |
barasata bāri pīra jāriyē javāsē jasa,
rōṣa binu dōṣa, dhūma-mūla malināi hai ||
karunānidhāna hanumāna mahābalavāna,
hēri hāsi hāki phūki phaujē tē uḍāi hai |
khāyē hutō tulasī kurōga rāḍha rākasani,
kēsarikisōra rākhē bīra bariāi hai || 35 ||

savaiyā

rāmagulāma tuhī hanumāna
gōsāi susāi sadā anukūlō |
pālyō haũ bāla jyō ākhara dū
pitu mātu sō maṅgala mōda samūlō ||
bāhakī bēdana bāhapagāra
pukārata ārata ānāda bhūlō |
śrīraghubīra nivāriyē pīra
rahaũ darabāra parō laṭi lūlō || 36 ||

ghanākṣarī

kālakī karālatā karama kaṭhināi kīdhaũ,
pāpakē prabhāvakī subhāya bāya bāvarē |
bēdana kubhāti sō sahī na jāti rāti dina,
sōi bāha gahī jō gahī samīraḍāvarē ||
lāyō taru tulasī tihārō sō nihāri bāri,
sīciyē malīna bhō tayō hai tihũ tāvarē |
bhūtanikī āpanī parāyēkī kṛpānidhāna,
jāniyata sabahīkī rīti rāma rāvarē || 37 ||

pāyapīra pēṭapīra bāhapīra mūhapīra,
jarajara sakala sarīra pīramaī hai |
dēva bhūta pitara karama khala kāla graha,
mōhipara davari damānaka sī daī hai ||
haũ tō bina mōlakē bikānō bali bārēhī tē,
ōṭa rāmanāmakī lalāṭa likhi laī hai |

kumbhajakē kiṅkara bikala būḍē gōkhurani,
hāya rāmarāya aisī hāla kahū bhai hai || 38 ||

bāhuka-subāhu nīca līcara-marīca mili,
mūhapīra-kētujā kurōga jātudhāna hai |
rāma nāma japajāga kiyō cahō sānurāga,
kāla kaisē dūta bhūta kahā mērē māna hai ||
sumirē sahāya rāmalakhana ākhara dōū,
jinakē samūha sākē jāgata jahāna hai |
tulasī sābhāri tāḍakā-sāhāri bhārī bhaṭa,
bēdhē baragadasē banāi bānavāna hai || 39 ||

bālapanē sūdhē mana rāma sanamukha bhayō,
rāmanāma lēta māgi khāta ṭukaṭāka haū |
paryō lōkarītimē punīta prīti rāmarāya,
mōhabasa baiṭhō tōri tarakitarāka haū ||
khōṭē-khōṭē ācarana ācarata apanāyō,
añjanīkumāra sōdhyō rāmapāni pāka haum |
tulasī gōsāi bhayō bhōḍē dina bhūli gayō,
tākō phala pāvata nidāna paripāka haū || 40 ||

asana-basana-hīna biṣama-biṣāda-līna,
dēkhi dīna dūbarō karai na hāya-hāya kō |
tulasī anāthasō sanātha raghunātha kiyō,
diyō phala sīlasindhu āpanē subhāyakō ||
nīca yahi bīca pati pāi bharuhāigō,
bihāi prabhu-bhajana bacana mana kāyakō |

tātē tanu pēṣiyata ghōra baratōra misa,
phūṭi-phūṭi nikasata lōna rāmarāyakō || 41 ||

jīō jaga jānakijīvanakō kahāi jana,
maribēkō bārānasī bāri surasarikō |
tulasīkē duhū hātha mōdaka hai aisē ṭhāu,
jākē jiyē muyē sōca karihañ na larikō ||
mōkō jhūṭhō sācō lōga rāmakō kahata saba,
mērē mana māna hai na harakō na harikō |
bhārī pīra dusaha sarīratē bihāla hōta,
sōu raghubīra binu sakai dūra karikō || 42 ||

sītāpati sāhēba sahāya hanumāna nita,
hita upadēsakō mahēsa mānō gurukai |
mānasa bacana kāya sarana tihārē pāya,
tumharē bharōsē sura mañ na jānē surakai ||
byādhi bhūtajanita upādhi kāhū khalakī,
samādhi kījē tulasīkō jāni jana phurakai |
kapinātha raghunātha bhōlānātha bhūtanātha,
rōgasindhu kyō na ḍāriyata gāya khurakai || 43 ||

kahō hanumānasō sujāna rāmarāyasō,
kṛpānidhāna sañkarasō sāvadhāna suniyē |
haraṣa viṣāda rāga rōṣa guna dōṣamaī,
biracī birañci saba dēkhiyata duniyē ||
māyā jīva kālakē karamakē subhāyakē,
karaiyā rāma bēda kahañ sācī mana guniyē |

*tumhatē kahā na hōya hāhā sō bujhaiyē mōhi,
haṁ hū rahō mauna hī bayō sō jāni luniyē || 44 ||*

|| iti śrī hanumānabāhuka samāpta ||